

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka d), a u vezi s čl. 20. stav (5) i 43. stav (7) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O SMJEŠTANJU I ČUVANJU ORUŽJA I MUNICIJE

DIO PRVI - OPĆE ODREDBE

Član 1.

(Predmet Pravilnika)

- (1) Ovim pravilnikom propisuje se način i uslovi za siguran smještaj i čuvanje oružja i municije koji se nabavljaju i drže po odredbama Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon) i to:
 - a) kod pravnih lica i poduzetnika, pravnih lica i poduzetnika koji se bave prometom oružja i municije, popravljanjem i prepravljanjem oružja i trajnim onesposobljavanjem oružja, sportskih streljačkih organizacija i lovačkih organizacija i osnivača civilnih strelišta (u daljnjem tekstu: pravna lica i poduzetnici) i
 - b) kod fizičkih lica.
- (2) Odredbe ovog pravilnika ne odnose se na pripadnike agencija i drugih pravnih lica za koje su posebnim zakonom ili propisima donesenim na osnovu zakona regulisana navedena pitanja.

DIO DRUGI - SMJEŠTAJ I ČUVANJE ORUŽJA I MUNICIJE

POGLAVLJE I - PRAVNA LICA I PODUZETNICI

Član 2.

(Smještaj i čuvanje oružja i municije)

Pravna lica i poduzetnici dužni su:

- a) da drže i čuvaju oružje i municiju u prostoriji koja je osigurana od požara, krađe, pristupa neovlaštenih lica i svake druge opasnosti i zloupotrebe i
- b) odrediti lice koja se brine o izdavanju, preuzimanju i čuvanju oružja i municije, kao i vođenju evidencije o oružju i municiji koja se izdaje na korištenje njihovim zaposlenicima, članovima i korisnicima.

Član 3.

(Uslovi za smještaj i čuvanje oružja i municije)

- (1) Poslovni prostor za promet oružja i municije sastoji se od prodajnog prostora i skladišta koji moraju činiti jedinstvenu građevinsku cjelinu.
- (2) Oružje i municija koje je nabavljeno radi prodaje čuva se u skladištu, a može se čuvati i u prodajnom prostoru pod uslovima propisanim odredbama ovog pravilnika.
- (3) Oružje, dijelove za oružje i municija pravno lice i poduzetnik iz člana 1. stav (1) tačka a) ovog pravilnika čuva u skladištu koje mora ispunjavati sljedeće uslove:
 - a) da zidovi i plafon budu izgrađeni od tvrdog negorivog materijala (cigle, betona, kamena i sl.) minimalne vatrootpornosti zidova od 2 sata, stropova i podova od 1,5 sat, a otvora od 1 sat,
 - b) da su prozori, ukoliko postoje, zaštićeni metalnom mrežom s vanjske strane prozora debljine alki najmanje 5 mm ili fiksnim rešetkama najmanje debljine šipki 10 mm,
 - c) da vrata prema vanjskom prostoru budu zaštićena kako je to propisano u tački b) ovog stava, s tim da metalna mreža, odnosno okvir s rešetkama mora biti jednim krajem učvršćen za nosivi zid, a drugi kraj mora biti zaključan s dvije brave,
 - d) grijanje, ukoliko postoji, treba da bude izvedeno samo uređajima na toplu vodu, vodenu paru ili topli zrak koji se ubacuje izvana, tako da temperatura vanjske površine uređaja ne prelazi 80°C,

- e) električna instalacija osvijetljenja skladišta mora se izvesti u odgovarajućoj Ex izvedbi prema važećim standardima, uključivanje rasvjete mora se izvesti i izvan skladišta,
- f) da za smještaj oružja i municije postoji metalni ormar odgovarajuće veličine s bravom koji je pričvršćen za pod ili zid prostorije u kojoj se nalazi,
- g) da bude osigurana prirodna ili prinudna ventilacija,
- h) da na vidnim mjestima budu postavljeni znakovi upozorenja,
- i) da u skladištu budu obezbjeđeni aparati za gašenje početnog požara i
- j) da prostorija bude osigurana s video-nadzorom i alarmnim sistemom zaštite.

- (4) Oružje i municija mogu se čuvati i u prodajnom prostoru koji nema skladište ukoliko su ispunjeni sljedeći uslovi:

- a) da je prodajni prostor izgrađen od negorivih materijala,
- b) da se u prostoru nalazi najmanje jedan aparat za početno gašenje požara tipa CO2-5 i najmanje dva aparata tipa S-6,
- c) da je prodajni prostor odijeljen od ostalih dijelova protupožarnim konstrukcijama vatrootpornosti zidova od 2 sata, a stropovi i podovi od 1,5 sat,
- d) da za smještaj oružja i municije postoji metalni ormar vatrootpornosti 2 sata, odgovarajuće veličine s bravom koji je pričvršćen za pod ili zid prostorije u kojoj se nalazi,
- e) da elektrooprema u prodajnom dijelu bude izvedena u odgovarajućoj Ex izvedbi,
- f) da bude osigurana prirodna ili prinudna ventilacija,
- g) da na vidnim mjestima budu postavljeni znakovi upozorenja i
- h) da prostorija bude osigurana s video-nadzorom i alarmnim sistemom zaštite.

- (5) Oružje i municija mogu se izlagati u poslovnim prostorijama samo tokom radnog vremena. Izvan radnog vremena oružje se mora čuvati u zaključanim metalnim ormarima ili u priručnom skladištu. Puške se mogu čuvati u poslovnim prostorijama izvan ormara ako su povezane čeličnim užetom ili lancem koji je provučen kroz branik obarača. Čelično uže ili lanac moraju biti pričvršćeni na fiksnu podlogu (zid ili pod prostorije za smještaj oružja) i zaključani na oba svoja kraja.

- (6) Zaposlenici u pravnom licu i kod poduzetnika koji rukuju eksplozivnim materijama moraju biti stručno osposobljeni.

Član 4.

(Dozvoljena količina baruta)

Ukupna dozvoljena količina baruta koji se nalazi u municiji ne smije prelaziti 20 kilograma u poslovnim prostorijama u kojima se vrši promet, držanje i čuvanje oružja i municije.

Član 5.

(Komisija za utvrđivanje ispunjenosti uslova za smještaj i čuvanje oružja i municije)

Pravilnost čuvanja oružja i municije u skladu s odredbama Zakona i ovog pravilnika najmanje jedanput godišnje vršiće Komisija iz člana 20. stav (4) Zakona koja o tome sačinjava zapisnik u dva primjerka od kojih jedan predaje vlasniku preduzeća, a drugi ostavlja u arhivu nadležne policijske uprave.

POGLAVLJE II - FIZIČKO LICE

Član 6.

(Smještaj i čuvanje oružja i municije)

- (1) Fizičko lice koje posjeduje oružje i municiju u skladu sa odredbama Zakona mora isto smjestiti i čuvati tako da nije dostupno licima koja nisu ovlaštena da ih posjeduju, a posebno maloljetnim licima.
- (2) Oružje i municija moraju biti zaključani i odvojeni u metalnom ormaru, sefu ili sličnom spremištu koji se ne može otvoriti alatom uobičajene upotrebe.

Član 7.
(Prostor za čuvanje)

Oružje i municija moraju se čuvati u stambenom ili drugom odgovarajućem prostoru koji se nalazi u mjestu prebivališta vlasnika oružja.

DIO TREĆI - PRIJELAZNE I ZAVRŠNE ODREDBE

Član 8.
(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

Član 9.
(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik o smještaju i čuvanju oružja, vođenju evidencije o nabavljenom oružju i municiji, vođenju evidencije o prometu oružja i municije i obrascima i sadržaju obrazaca za vođenje tih evidencija ("Službene novine Kantona Sarajevo", broj 1/08) u dijelu koji se odnosi na smještaj i čuvanje oružja i municije.

Član 10.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-4033/18
06. jula 2018. godine
Sarajevo

Ministar
Vedran Mulabdić, s. r.

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka e), a u vezi s članom 30. stav (8) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

**O PROGRAMU, NAČINU RADA I UNIŠTENJA,
SASTAVU KOMISIJE, TROŠKOVIMA I DRUGIM
PITANJIMA KOJA SE ODNOSE NA UNIŠTENJE
ODUZETOG ORUŽJA**

DIO PRVI - OPĆE ODREDBE

Član 1.
(Predmet)

Ovim pravilnikom propisuje se program, način rada i uništenja oduzetog oružja i municije, siguran i transparentan način uništenja oružja i municije, obrazovanje i sastav Komisije za uništenje oružja i municije (u daljnjem tekstu: Komisija), vođenje Evidencije o uništenju oružja i municije, sačinjavanje zapisnika o provedenom postupku uništenja oružja i municije, troškovi uništenja oružja i municije, kao i druga pitanja koja se odnose na uništenje oružja i municije.

Član 2.
(Oružje i municija za uništenje)

Oružje i municija za uništenje u smislu odredbi Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon) može biti:

- pronađeno oružje i municija iz člana 45. Zakona,
- dobrovoljno predato oružje iz člana 47. Zakona,
- dotrajalo oružje iz člana 48. Zakona,
- oružje koje ostane u slučaju smrti vlasnika, a ispunjeni su uvjeti za njegovo uništenje u skladu s odredbama čl. 49. i 50. Zakona,
- oružje i municija oduzeti u prekršajnom ili krivičnom postupku u skladu s odredbama člana 55. Zakona,

- oružje i municija oduzeti u upravnom postupku u skladu s odredbama člana 56. Zakona i
- oružje koje je bilo predmet amnestije iz člana 85. Zakona, a nakon provedenog postupka iz člana 12. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije oružja, donesena odluka o njegovom uništenju.

DIO DRUGI - UNIŠTENJE ORUŽJA I MUNICIJE

Član 3.
(Program uništenja oružja i municije)

Program uništenja oružja i municije sadrži planske mjere i radnje na provođenju sljedećih aktivnosti:

- utvrditi vrstu i količinu oružja i municije za uništenje,
- pribaviti sva potrebna odobrenja i prateću dokumentaciju za uništenje od nadležnih ili nadređenih institucija,
- odabrati metodu uništenja oružja i municije,
- odabrati prikladnu lokaciju uništenja oružja i municije,
- obezbjediti neophodna finansijska sredstva za izvršenje odabrane metode uništenja oružja i municije, kao i druge troškove u procesu uništenja oružja i municije iz člana 15. ovog pravilnika,
- u zavisnosti od odabrane metode uništenja oružja i municije, pripremiti plan zbrinjavanja, odnosno finalnog rješavanja nastalog metalnog otpada (furde) kao rezultata procesa uništenja (u slučajevima kada se oružje uništava metodom sječenja ili trajne deformacije),
- pripremiti plan sigurnosti koji sadrži neophodne mjere i radnje u zavisnosti od odabrane lokacije (okruženja) i metode uništenja oružja i municije,
- pripremiti Standardne Operativne Procedure (SOP) na osnovu ovog pravilnika u zavisnosti od odabrane metode uništenja i internih procedura Ministarstva unutrašnjih poslova Kantona Sarajevo (u daljnjem tekstu: Ministarstvo) i
- razviti medijski i komunikacijski plan za događaj uništenja oružja i municije kao dio programa podizanja svijesti javnosti od opasnosti posjedovanja nelegalnog oružja i municije.

Član 4.

(Mjere i radnje u procesu uništenja oružja i municije)
Proces uništenja oružja treba da sadrži minimalno sljedeće mjere i radnje:

- pripreme aktivnosti za uništenje oružja i municije,
- transport oružja i municije na lokaciju uništenja,
- fizičko uništenje oružja i municije,
- nadzor i verifikacija uništenog oružja i municije,
- evidentiranje procesa uništenja oružja i municije i
- obezbjediti siguran i okolišno prihvatljiv metod uništavanja, uključujući metode koje imaju za posljedicu stvaranje metalnog otpada koji se može reciklirati i ponovo upotrijebiti.

Član 5.

(Pripreme mjere i radnje za uništenje oružja i municije)

- Pripreme mjere i radnje za uništenje oružja i municije provode se prije konačnog uništenja.
- Pripreme mjere i radnje uključuju ili mogu uključivati:
 - brojanje oružja i municije koje se vrši na lokaciji skladištenja i čuvanja oružja i municije za uništenje (a ne na lokaciji uništenja),
 - provjeru ostataka municije u oružju,
 - uklanjanje dodataka oružju (npr. nišani, prigušivači i bajoneti), a koji se trebaju uništiti odvojeno od oružja,
 - uklanjanje obloga s oružja (npr. plastične ili drvene ručke, kundaci i šanžeri) jer oružje koje se uništava metodom topljenja može zahtijevati uklanjanje plastičnih ili drvenih komponenti kako bi dobivena sirovina zadržala čistoću visoke kvalitete i vrijednosti,